



tešanjski BILTEN

Interno informativno glasilo, Godina XIV, juli 2009.



Vanredno izdanje

POPLAVA U TEŠNJU
10. juli 2009. godine



juli/srpanj 2009.

PREVENTIVNE I PROTIVEPIDEMIJSKE MJERE U POPLAVLJENIM PODRUČJIMA

*Def higijensko - epidemiološke službe u Domu
zdravlja Tešanj Ljiljana dr. Sejdinovića je dala
upute građanima*

1. Preporučujemo stanovništvu poplavljenih područja da do daljnjeg vodu iz svih vodoopskrbnih objekata prokuhava i koristi isključivo prokuhanu. Ako postoji mogućnost može se koristiti i flađiranavoda.
2. Voda se prokuhava na način da se nakon što proključa ostavi da kuha 15-ak minuta, ohladi i koristi.
3. Prokuhanu vodu koristiti za piće, pranje ruku i održavanje lične higijene, pranje posuđa, pripremanje hrane, pranje voća, povrća i slično.
4. Služba civilne zaštite na ugroženim područjima obezbijediće cisterne sa zdravstveno ispravnom vodom.
5. Poodkritimjere lične i opće higijene
6. Po obilasku terena i sagledavanju kompletne situacije, dat će se smjernice za sanaciju u ugroženim područjima i preduzimanje daljih aktivnosti.
7. Ako se kod osoba iz poplavljenih područja u narednom periodu pojave tegobe u smislu povišene temperature, proliva, povraćanja, bolova u stomaku, potrebno je da se obavezno jave u zdravstvenu ustanovu.



tešanjski BILTEN

Interno informativno glasilo Općine Tešanj

Izdaje: OPĆINA TEŠANJ

Redakcija
OPCINSKI ŠTAB CIVILNE ZAŠTITE

Glavni i odgovorni urednik
Edina Kadušić

Adresa Redakcije
Općina Tešanj, trg Alije Izetbegovića 11, 74260 Tešanj
Telefoni 032/650-341 i 032/650-022 (lokal 107),
Fax 032/650-220

E-mail press@opcina-tesanj.ba

Tiraž 2.000
Štampa Grafik-komerc Tešanj

UPUTSTVO ZA SANACIJU LOKALNIH BUNARA U POPLAVLJENIM PODRUČJIMA

1. Ispumpavanje vode iz poplavljenog bunara: mehaničko čišćenje, eventualne popravke, zamjena sloja šljunka, pranje i dezinfekcija zidova bunara četkama,
2. Pustiti da se bunar napuni vodom,
3. Izvršiti hiperhlorisanje vode,
4. Ostaviti da djeluje 24h - ova voda NE SMIJE SE KORISTITI,
5. Nakon 24h izvršiti ponovno ispumpavanje vode iz bunara,
6. Pustiti da se bunar napuni,
7. Izvršiti hlorisanje vode,
8. Izvršiti kontrolu vrijednosti rezidualnog hlora,
9. Izvršiti kontrolu vode na mikrobiološku i fizičko-hemijsku analizu.

Nakon završenih analiza svaki vlasnik bunara će biti obaviješten o rezultatima i mogućnosti daljeg korištenja vode. U dogovoru sa predstavnicima Mjesnih zajednica profesionalna vatrogasna jedinica i komunalno preduzeće će vršiti evakuaciju vode, a vlasnici objekata su dužni da izvrše mehaničko čišćenje, pranje i popravke, te da pripreme objekat za dezinfekciju koju će uraditi stručne ekipe Doma zdravlja. Uputstvo će biti dostavljeno u vidu obavijesti Mjesnim zajednicama ugroženih poplavom, a one su dužne sa njim upoznati vlasnike lokalnih vodnih objekata, odnosno ljude zadužene za objekte vodovoda u njihovim mjesnim sredinama, te postupiti po istim.

UPUTSTVO ZA SANACIJU LOKALNIH VODOVODA U POPLAVLJENIM PODRUČJIMA

1. Ispumpavanje zagađene vode: mehaničko čišćenje zidova kaptaza i rezervoara, uklanjanje taloga, pranje, premazivanje zidova rastvorom vode i hlornog dezinfekcionog sredstva, ukoliko je potrebno izvršiti popravke,
2. Pustiti da se rezervoar napuni vodom,
3. Izvršiti hiperhlorisanje vode,
4. Obavijestiti stanovništvo da se u tom periodu voda NE SMIJE KORISTITI,
5. Ostaviti da djeluje 1,5-2h, zatim postepeno pustiti vodu kroz cjevovod odvrtanjem slavina svih korisnika priključenih na taj vodovod,
6. Ponovno sačekati da se rezervoar napuni, uraditi hlorisanje vode,
7. Izvršiti kontrolu rezidualnog hlora,
8. Nakon ovoga vodu kontrolisati na mikrobiološku i fizičko-hemijsku analizu.

Nakon završenih analiza svaka Mjesna zajednica će biti obaviještena o rezultatima i mogućnosti daljeg korištenja vode.

Predstavници MZ-a koji su zaduženi za lokalne vodovode su dužni da izvrše sve pripreme - čišćenje, pranje i popravke, a dezinfekciju će uraditi stručne ekipe Doma zdravlja. Uputstvo će biti dostavljeno u vidu obavijesti Mjesnim zajednicama ugroženih poplavom, a one su dužne sa njim upoznati lokalno stanovništvo, odnosno ljude zadužene za objekte vodovoda u njihovim mjesnim sredinama, te postupiti po istim.

HIGIJENSKO-EPIDEMIOLOŠKA SLUŽBA

POPLAVA U TEŠNJU

U petak, 10. jula planirano je i pripremano svečano otvorenje turističke sezone i uređene Dizdareve kule na Starom gradu - Gradini u Tešnju. Domaćini su već bili na Gradini, u 17,30 je bila planirana generalna proba kako se ne bi desio neki propust. Međutim, prije početka probe, kiša je počela padati. S obzirom da je svečanost trebala biti održana na tabiji Dizdareve kule, razmišljali smo da, ukoliko kiša ne prestane da pada, prelazimo na plan B - svečanost u kuli.

Veliki broj zvanica je potvrdio dolazak, a i mediji su polako počeli pri-

stizati. Telefonskim razgovorima, saznali smo da je u Karadaglijama poplava. Počeli smo razmišljati o odgađanju manifestacije. Nakon nekoliko telefonskih poziva i pogleda sa Gradine na grad, vidjeli smo da je rijeka



Tešanjka izlila iz korita i poplavila centar grada. Manifestacija je odgođena. Općinski načelnik i saradnici su krenuli prema Općini, sazvan je Štab Civilne zaštite. Centar grada je poplavljen. Vatrogasna služba je već na terenu i rade sve što mogu. Prema prvim informacija, poplavljene su



mjesne zajednice Karadaglije, Jablanica, Mekiš-Dobropolje, a putevi su blokirani. Odmah su angažovane i građevinske firme. Štab Civilne zaštite je proglasio stanje elementarne nepogode. Štab je u stalnom zasjedanju.



DELEGACIJA ZENIČKO-DOBOJSKOG KANTONA OBIŠLA UGROŽENA PODRUČJA

Delegacija Zeničko-dobojskog kantona u sastavu premijer Miralem Galijašević, Ministar finansija Mirsad Šaranović i direktor Kantonalne uprave Civilne zaštite Sead Džanović u utorak, 14. jula posjetili su Općinu Tešanj i obišli poplavom ugrožena područja. Općinski načelnik Fuad Šišić je kroz foto i video zapise upoznao premijera Galijaševića sa tokom događaja i aktivnostima od trenutka poplave do danas. Također, Općinski načelnik je posebno istakao, s obzirom da se radi o rijetkoj situaciji, raspoloživost resursa - od pomoći običnih ljudi, komisija, građevinskih firmi, Epidemiološke službe i Vatro-

gasne jedinice, kao i Štaba Civilne zaštite koji je od proglašenja stanja elementarne nepogode u stalnom zasjedanju. Sastanku je prisustvovao i predsjedavajući Općinskog vijeća



Vedran Kaser. Nakon posjete ugroženim područjima na licu mjesta, pre-



mijer Galijašević je konstatovao i pohvalio lokalnu vlast za brzo i efikasno reagovanje na terenu.

Na sjednici Vlade ZDK u srijedu su preusmjerena interventna sredstva Općini Tešanj u iznosu od 150 hiljada maraka.

OBAVJEŠTENJE ZA GRAĐANE

Pojava je da tokom bujičnih poplava, naročito na područjima koja su u toku proteklog rata bila zahvaćena ratnim djelstvima, dođe do pomjeranja zaostalih neeksplozivnih ubojnih sredstava.

Služba civilne zaštite poziva stanovništvo na poplavljenom području, da ukoliko prilikom čišćenja zemljanih površina u blizini stambenih objekata, puteva ili porred korita rijeka, primijete ili pronađu neeksplozivno ubojno sredstvo ili neko drugo minsko eksplozivno sredstvo, da ga

ne diraju, nego da odmah prijave Operativnom centru civilne zaštite na brojeve 121 i 123, ili Policijskoj stanici Tešanj na broj 122. Služba civilne zaštite će dalje preduzeti potrebne korake kako bi se bezbjedno otklonila opasnost od pronađenih minsko-eksplozivnih sredstava.

VIDJELI SMO KAKO KIŠA PADA I KAKO RIJEKA JEDNOSTAVNO RASTE

(Preneseno iz E-biltena Općinskog načelnika)

Pripremali smo svečano otvorenje Dizdareve kule i početak pružanja ugostiteljskih usluga na Starom gradu kao novi sadržaj turističke ponude naše zajednice, ali i za odmor i rekreaciju naših građana. Svečanost je najavljena za 10. juli u 19:00. Bili smo zabrinuti u iščekivanju tog događaja i kako će sve proteći ako bude kiše. Veliki broj zvanica je potvrdio dolazak, kao i medijskih kuća sa šireg prostora. I dok smo u Dizdarevoj kuli čekali da kiša prestane, stižu novinari BH radija i televizije iz



Zenice. Traže izjavu dok nema gužve. Kiša se spušta u sve manjem obimu. Pomoćnik Suad Huskić mi pokazuje na rijeku koja se dijelom vidi kod autobuske stanice korito je očigledno napunjeno! Ponovo mi Huskić kaže da je u Karadaglijama poplava te da možda trebamo prekinuti najavljenju manifestaciju. U trenutku nisam mogao dokučiti stvarnost. Nisam mogao shvatiti da u tako kratkom vremenu može doći do takve situacije. Ponovo poziv i naravno odluka: **prekidamo sve i silazimo.** Dajem nalog sekretarici da odmah sazove Štab civilne zaštite. Silazeći srećemo novinare tv kuće iz Kaknja, i kažem im u prolazu: *Oprostite, ovo se odgađa, imamo prećih stvari, obavješt ćemo vas o svemu nakandano.* Na putu niz Čaršiju

Titovom prema ulici Alije Izetbegovića nije se moglo, već je voda na ulicama. Nailazimo na Murisa Prnjavorca, on je u punoj opremi, gazi vodu i informiše me da su njegovi momci na terenu i pomažu ljudima ono što se može. Obišli smo srednjim sokakom, pred zgradu Općine. Telefonski kontakti krajnje otežani, uspijevam dobiti Fadila Begovića iz elektrodistribucije. Oni već pokušavaju isključiti struju, ne mogu doći do ključnih sklopki, idu na isključenje dalekovoda. Tu je Hajrudin Alić, komadir PS Tešanj.

POPLAVLJENE MJESNE ZAJEDNICE KARADAGLIJE, JABLANICA, MEKIŠ- DOBROPOLJE

Sjedamo u terensko vozilo i odlazimo prema Mekišu. Mnogo je ljudi na cesti, nanosi su ogrmoni i nemoguće je proći putničkim vozilom. Zovemo AB trans, Almira



Brku da izađe sa mašinama na čišćenje. Idemo prema Karadaglijama. Na Kiseljaku prolazimo sa visokim rizikom. Most kod OAZE se ne vidi, ali smo ipak prošli dalje. U Karadaglijama još gora situacija, mnogo je ljudi na cestama, bore se da sačuvaju ono što je moguće. Krenuli smo prema Jabla-

nici, i dalje se nije moglo, voda je previsoka na cesti. Zovemo HS puteve i GEO put da izađu sa mehanizacijom na teren i pokušaju uraditi sve što mogu. Vraćamo se



nazad. Pred Općinom me čeka Predsjedavajući Vijeća Vedran Kaser. Saopćava mi da će Vijeće stati iza potrebnih akcija. Načelnik štaba CZ-e i pomoćnik općinskog načelnika Nizah Mehinović je blokiran u stanu. Voda je ispred Simetrala i ne može još stići. Ipak, štab se uskoro sastao u punom sastavu. Sada sam u ulozi Komandanta štaba civilne zaštite. Dobivamo izvještaj centra za obavještanje civilne zaštite o svim detaljima i kontaktima. Javljuju se načelnici općina Zenica, Husein Smajlović i Doboj-juga, Džavid Aličić i nude svu potrebnu pomoć. Javlja se i premijer Ze-do kanto-



na, već je uputio prema nama direktora civilne zaštite Ze-do kantona. Razgovaramo na Štabu, i nakon zajedničke ocjene donosimo

odluku o proglašenju elementarne nepogode. Štab je u stalnom zasjedanju, sa punim dežurstvom 24 sata. Epidemiološka služba potpuno animirana i stavljena u funkciju, kao i komunalno preduzeće „RAD“. Policija je u punom kapacitetu na terenu, pomaže i procjenjuje situaciju. Odjednom se čini da vrijeme više ne prolazi tako brzo. Svaki minut isčekivanja da li kiša smanjuje ili pojačava? Da li nivo vode raste, ili opada? Mislim, Bože Dragi, kako smo nezahvalni. Je li ovo opomena, ili će prerasti u kaznu? Uzdam se u Milost Njegovu ne u ono šta smo zaslužili. Stižu radosne vijesti jedna za drugom. Smanjuje se nivo vode: prvo u gradu. Jedan sliv se smiruje, ostaje drugi. Karadaglije, Jablanica i dalje neizvjesni, a onda i Trepče, Medakovo, Tešanjka.



Dobivamo informaciju da je jedno dijete u kući u Medakovu odsječeno. Uskoro je sve u redu. Vatrogasna jedinica u punom sastavu je od prvog trenutka na terenu u



punom kapacitetu. Posljednji kritični val prije ponoći. Voda ipak nije izašla na magistralnu cestu, i ubrzo nivo pada za jedan metar. Stiže i direktor civilne zaštite Zedo kantona. Naravno, daje podršku i sagledava sve što smo poduzeli. Iako nismo imali iskustva, bar većina jer se ovakve poplave,

hvala Bogu, dešavaju veoma rijetko, direktor konstatuje da su svi koraci zakonom predviđeni ispoštovani u ovakvim situacijama i da je Štab u punoj funkciji. Daje smjernice za dalji rad i korištenje ovlaštenja. Mediji su stalno informisani o stanju na terenu i aktivnostima Štaba.



Jedna latinska izreka kaže:

Hominem experiri multa paupertas iubet. - Siromaštvo tjera čovjeka da mnogo podnese. Nevolja svačemu čovjeka nauči.

juli/srpanj 2009.

ELEMENTARNA NEPOGODA

SUBOTA, 11. JULI AKTIVNOSTI NA SANACIJI POSLJEDICA POPLAVA

Nakon što se voda povukla u korita rijeka u subotu su nastavljene aktivnosti na provođenju mjera otklanjanja posljedica prirodne nepogode



- poplave na području općine Tešanj. Ekipa Profesionalne vatrogasne jedinice od ranih jutarnjih sati nastavile su ispušćanje vode iz poplavljenih objekata na ugroženim područjima. Higijensko-epidemiološka služba Doma zdravlja je odmah angažovana na cijelom ugroženom području u cilju utvrđivanja i procjene stanja i preduzimanja daljih mjera. Crveni križ općine Tešanj je angažovan na pružanju pomoći u pokrivačima i hrani za domaćinstva koja su ugrožena i kojima je potreban ovaj vid po-



moći. Počela je i dostava pitke vode na ugrožena područja (Karadaglije) od strane Profesionalne vatrogasne jedinice.

SASTANAK SA PREDSTAVNICIMA MJESNIH ZAJEDNICA OBUHVAĆENIH POPLAVOM

U subotu, 11. jula 2009. godine održan je sastanak sa predstavnicima mjesnih zajednica obuhvaćenih poplavom Tešanjka, Karadaglije, Jablanica, Dobropolje-Mekiš, Medakovo, Trepče i Novo selo.

Predstavnicima mjesnih zajednica su date upute kako se ponašati u situaciji elementarne nepogode koja je proglašena u petak u 19,00 sati. Prioritet je pomoći građanima i osposobi-



ti putne pravce, a u narednim danima, kada Komisija za procjenu šteta zavr-



ši svoj posao znat će se pravi podaci o štetama.

VANREDNA PRESS KONFERENCIJA POVODOM PROGLAŠENJA ELEMENTARNE NEPOGODE

U subotu u Sali Općinskog vijeća Tešanj je održana vanredna press konferencija na kojoj su bili prisutni komadant Općinskog štaba CZ Fuad Šišić, predsjedavajući Općinskog vijeća Vedran Kaser, direktor Kantonalne uprave CZ Sead Džanović, te predstavnik Federalne uprave CZ Stanko Slišković. Povod je stanje elementarne nepogode koja je proglašena u petak u 19,00 sati. Komadant štaba je javnost upoznao sa trenutnim stanjem na terenu i naglasio da je prioritet pomoć građanima i osposobljavanje putnih pravaca. Predsjedava-



jući Vijeća je rekao da će Vijeće podržati sve akcije koje je potrebno provesti. Predstavници Kantonalne uprave CZ i Federalne uprave CZ su po-



hvalili dobru angažovanost lokalnih vlasti i građana, te obećali podršku, a u ponedjeljak će već biti proslijedena sredstva za sanaciju nastale štete.

SASTANAK SA PREDSTAVNICIMA GRAĐEVINSKIH FIRMI

U 18,00 sati Općinski načelnik - komadant Općinskog štaba CZ sa članovima Štaba održao je sastanak sa predstavnicima građevinskih firmi angažiranih na prioritetnoj sanaciji posljedica poplave i od njih dobio iz-



vještaje o aktivnostima u protekla 24 sata i trenutnom stanju na ugroženim područjima. Dogovorene su daljnje aktivnosti, u prvom redu što brža uspostava komunikacije za odsječene dijelove naselja na ugroženim područjima. Radovi se nastavljaju punim intenzitetom.

KOLEGIJ OPĆINSKOG VIJEĆA DAO PODRŠKU AKCIJAMA NA SANACIJI POSljedica POPLAVE

U utorak je održan Kolegij Općinskog vijeća, na kojem je Komandant Općinskog štaba Civilne zaštite Fuad Šišić upoznao članove Kolegija sa tokom događaja i aktivnostima koje su poduzete od trenutka poplave do danas.

Kolegiju su prisustvovali: predsjedavajući Općinskog vijeća Vedran Kaser, zamjenik predsjedavajućeg Hasan Handžić, predsjednik



Kluba vijećnika SDP-a Senad Subašić, predsjednik Kluba vijećnika BPS SH Sejid Brka, kao i predstavnik Klu-ba SDA Jakub Rošić.

Kolegij Općinskog vijeća dao je punu podršku svim akcijama koje je potrebno provesti na sanaciji posljedica poplave.

OPĆINSKI NAČELNIK I SARADNICI OBIŠLI PORODICU ČOSTOVIĆ IZ TREPČA

Općinski načelnik sa saradnicima posjetio i obišao porodicu Čostović iz Trepča, čiju kuću je zahvatila poplava. Nakon sagledane situacije, Općinski načelnik je angažovao firmu *Hrvić gradnja* da napravi predračun za sanaciju, budući da se radi o socijalno ugroženoj porodici koja živi od naknade za demobilisane borce. Također, vlasnik firme *Saračević* iz Tešnja uručio je novčanu pomoć ovoj porodici.

Općinski načelnik sa saradnicima se na licu mjesta uvjerio u obim i visinu šteta duž korita rijeke Tešanjke na području od Tešnja do Tešanjke. Posjetio je i privrednike u Medakovu - Džemala Muminovića i firmu *Artisan* koje su pretrpile znatne štete i razgovarao o mogućnostima sanacije štete i nastavka proizvodnje. Na pi-



jaci Tešanjka utvrđene su mjere njene sanacije i dezinfekcije, te nakon toga će ista biti otvorena za rad.

Obilaskom korita rijeke duž ulice Obala, Općinski načelnik se uvjerio u velika oštećenja na objektima komunalne i putne infrastrukture koja će se već tokom dana u najnužnijoj mjeri sanirati, dok je za njenu obnovu i potpunu sanaciju potrebno izdvojiti značajna sredstva.



NEDJELJA, 12. JULI

U 8,00 sati održan je sastanak Općinskog štaba Civilne zaštite na kojem su sudjelovale i Komisije za pro-



cjenu šteta. Nakon kratkog informisanja o trenutnoj situaciji na terenu sve ekipe zadužene za sanaciju posljedica poplave upućene su na ugrožena područja. Situacija na terenu se postepeno normalizuje.

Kada se vodovodnog sistema kojim upravlja KP RAD tiče, uspostavljeno je vodosnabdijevanje na cijelom području.

I dalje važe mjere i upozorenja građanima koje upućuje Higijensko-epidemiološka služba radi preventive. Ekipe higijensko-epidemiološke zaštite i Vatrogasne jedinice su na terenu i intenzivno vrše sanaciju, odnosno de-

zinfekciju očišćenog terena i objekata. Građevinska operativa i danas nastavlja intervencije na dijelu ugrožene, oštećene i uništene putne infrastrukture i objekata.



NAKON PRVIH ANALIZA, ŠTETA PROCJENJENA NA 2,5 MILIONA MARAKA

NASTALA ŠTETA



POSLIJE SANACIJE

